



«ԻՆՏԵՐԱԿՏԻՎ ԿՐԹՈՒԹՅԱՆ ԶԱՐԳԱՑՈՒՄ»
ՀԻՄՆԱԴՐԱՄ



ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ 2022

ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ «Շարային պատրաստություն» թեմայի ուսուցումը
ԱՌԱՐԿԱ ՆԶՊ
ՀԵՂԻՆԱԿ Բասենցյան Ժորա
ՄԱՐԶ Շիրակ
ՈՒՍՈՒՄՆԱԿԱՆ
ՀԱՍՏԱՏՈՒԹՅՈՒՆ «Մեծ Մանթաշի միջնակարգ դպրոց» ՊՈԱԿ

ԲՈՎԱՆԴԱԿՈՒԹՅՈՒՆ

1.Նախաբան	2
2. Շարային պատրաստություն թեմայի ուսուցումը.....	3
3.Նախնական զինվորական պատրաստության դասաժամի Առանձնահատկությունները.....	5
4.Նախնական և կատարողական հրամաններ.....	8
5. Զինվորի պարտականությունները շարք կանգնելուց.....	8
6.Վերջաբան.....	15
7. Եզրակացություն.....	19
8. Գրականություն.....	20

1.ՆԱԽԱԲԱՆ

Շարային պատրաստության արդիականությունը.- Ձինված ուժերում կրթական աշխատանքի հայեցակարգում ասվում է, որ չնայած ռազմական տեխնիկայի և սպառազինության զարգացմանը, պատերազմում որոշիչ դերը դեռևս պատկանում է մարդուն, նրա ռազմական ոգուն և կռվելու կարողությանը: Ցանկացած խիզախ մարդ կարող է շփոթվել իրական ճակատամարտի իրավիճակում, շփոթության մեջ, սխալ քայլ անել, և այս սխալը կարող է վերածվել աղետի: Որպեսզի դա տեղի չունենա, անհրաժեշտ է շարային պատրաստություն, որը խթանում է հրամաններին արագ արձագանքելու կարողությունը և ավտոմատիզմի է բերում բոլոր գործողությունները: Ինչպես ասում են թեժ կետերը անցած վետերան մարտիկները, շարային պատրաստվածության լավ մակարդակը ազդանշանների մի շարք է կազմում, որոնք զինվորը կատարում է ավտոմատ կերպով և հասկանում է առանց բացատրության: «Ժամանակակից մարտերում դժվար է հասնել զինվորների ճշգրիտ գործողությունների՝ առանց պատշաճ շարային պատրաստության անցկացման: Այժմ, երբ ստորաբաժանումներն ու գորամիավորումները հազեցած են բարդ տեխնիկայով, երբ զգալիորեն մեծացել է կոլեկտիվ զենքի դերը մարտում, շարային պատրաստվածության մակարդակը պետք է հատկապես բարձր լինի»:

Շարային պատրաստության նպատակը՝

Գիտենա՛լ, ի՞նչ է շարային կանոնադրությունը, ե՞րբ է հաստատվել:

Գիտենա՛լ, շարքի տեսակները, բաղկացուցիչ տարրերը, զինվորի պարտականությունները շարք կանգնելուց առաջ և շարքում: Հրամանների ճիշտ արձակման կարգը:

Սովորողներին **ծանոթացնե՛լ**, շարային քայլի պահանջներին, սովորեցնել տեղում դարձումներ կատարելու մանրամասները, **ծանոթացնե՛լ**, շարժման ժամանակ դարձումներ կատարելու հնարքներին:

Շարային պատրաստության խնդիրը- Կարո՞ղ է արդյոք «Շարային պատրաստության» ուսուցումը ազդել սովորողի բարոյահոգեբանական նկարագրի վրա, մոտիվացնել նրան, դաստիարակել պատանուն որպես կարգապահ, պարտաճանաչ, ուշադիր մարդու:

Վերջնարդյունք-

- **Կարողանա՛լ** ընդունել շարային կեցվածք, շարային քայլ, դարձումներ տեղում
- շարային վարժաձևերի կատարման արագությունը մոտեցնել կանոնադրական պահանջներին, կատարել դարձումներ շարժման ժամանակ:

- շարային քայլի հնարքները, անսխալ կատարել դարձումներ տեղում, ամուր նախադրյալներ ստեղծել շարժման ժամանակ դարձումների հետագա կատարելագործման համար

«Շարային պատրաստությունը» նպաստելու է ուշադրության, դիտողականության, կատարողականության և կոլեկտիվիզմի զարգացմանը: Արագ զարգանում են պատանիների գործնական հմտությունները, ինչն էլ նպաստում է ինքնագնահատականի բարձրացմանը: Հայտնի փաստ է, որ արագ հաջողությունները օգնում են մոտիվացնել աշակերտներին:

2. Շարային պատրաստություն թեմայի ուսուցումը

Շարային ուսուցումը մարտական պատրաստության կարևորագույն բաժիններից է: Այն կարգապահում է զինձառայողներին, զարգացնում հստակություն, սառնասրտություն, օրինակելի տեսք և գերազանց մարտունակություն: Շարային պատրաստության տեխնիկայի խիստ կատարումը զարգացնում է գեղեցիկ կեցվածք, հագուստի ձևին համապատասխանության ճշգրտություն, ճիշտ և գեղեցիկ քայլելու կարողություն: Քաղաքացիների ամբոխի մեջ միշտ կարելի է առանձնացնել շարային պատրաստվածություն ստացած զինվորին: Շարային պատրաստությունը կոացած, խառնված ոտքերից, շարժումների խանգարված կոորդինացման դեպքում «տգեղ բաղի ձագ է», իսկ սլացիկը, գեղեցիկ «կարապ»: Ժամանակակից դպրոցում ֆիզկուլտուրայի ուսուցիչները պետք է ներգրավվեն շարային պատրաստությանը:

Ուզում եմ նշել, որ ՆԶՊ-ի դասավանդումը սկսելով 8-րդ դասարանից, զինդեկը գործ ունի դեռահասների հետ: Գաղտնիք չէ, որ նրանց հետ կատարված ֆիզիոլոգիական փոփոխությունները կարող են այնքան ազդել նրանց վրա, որ նրանք դառնան անճանաչելի: Ի՞նչ անել, որ դեռահասի մոտ զարգանա մոտիվացիա: Պետք է հնարավորիս բացառել ապամոտիվացնող գործոնները՝ նպաստելով մոտիվացնող գործոնների խթանմանը:

Մոտիվացնող գործոններ	Ապամոտիվացնող գործոններ
Հաջողություն	Զախողումներ
Նպատակ	Դեպրեսիա
Հաճույք	Անհանգստություն
Խրախուսում	Միջավայրի գործոն՝ ցուրտ, աղմուկ . . .
Թիրախներ	Ֆիզիոլոգիական գործոն՝ քաղց, ցավ , հոգնածություն . . .

«Շարային պատրաստություն» կազմակերպվում է գործնական պարապմունքներով: Սա ևս նպաստավոր գործոն էմ դիտում, քանի որ աշակերտները սիրում են գործնական պարապմունքները: Այն նաև լիցքաթափող դեր ունի մյուս դասաժամերից հետո աշակերտները կարողանում են շարժվել, մաքուր օդ շնչել, շտկել կեցվածքը՝ բարելավելով իրենց ֆիզիկական վիճակը:

Շարային պատրաստության հիմքը –անհատական շարային պատրաստությունն է : Անհատական շարային պատրաստականությունը հնարավորություն է տալիս նկատել աշակերտների բոլոր սխալները և ժամանակին շտկել դրանք:

Քանի որ յուրաքանչյուր զինծառայող զինվորական ծառայության առաջին իսկ օրվանից առնչվում է շարային կեցվածքին, իսկ հետագայում՝ ողջ ծառայության ընթացքում այն ուղեկցում է իրեն, ապա հարկ է, որ յուրաքանչյուր աշակերտ գիտակցի թեմայի կարևորությունը և ջանքեր գործադրի անհրաժեշտ գիտելիքների և կարողությունների ամրապնդման համար:

Սակայն ամենակարևորը մեր վերաբերմունքն ու մոտեցումն է : Վերջին հաշվով ինչ ուզվածություն կկիրառենք մենք, բոլոր դեպքերում գլխավորը սովորողին հասցնելն է այն միտքը, որ ուսումնառության ընթացքում հաջողության հասնելը ոչ թե կարողությունների, այլ ժամանակի և ջանքերի խնդիր է: Ուսուցման բոլոր ձևերից միայն շարքն է սովորողների մեջ դաստիարակում հրամանատարի կամքի արագ ու ճշգրիտ կատարումը: Շարքը կոփում է մարդու կամքը, կատարելագործում իր մարմնին տիրապետելու ունակությունը, զարգացնում նրա ուշադրությունը, հնարամտությունը և համախմբվածությունը: Շարքում գտնվելու փաստը արդեն իսկ սովորողին վարժեցնում է լինել կարգապահ եւ կազմակերպված, իսկ շարային հրամանների կատարումը նրան դաստիարակում է հրամանատարին հնազանդության ոգով:

Շարային պատրաստության յուրաքանչյուր պարապմունք աշակերտների շարային վարժվածության բարձրացման գործում մի նոր աստիճան է: Ստացված գիտելիքների խորությունն ու հմտությունների ամրությունը մեծ մասամբ պայմանավորված են զինդեկի կողմից ուսուցման մեթոդների ճիշտ ընտրությամբ: Ուսուցման մեջ մեթոդների ճիշտ ընտրությունը թույլ է տալիս պարապմունքը դարձնել առավել արդյունավետ եւ հետաքրքիր: Ուստի զինդեկը պարտավոր է լավ իմանալ ոչ միայն ի՞նչ սովորեցնել, այլև ինչպե՞ս սովորեցնել, ինչպիսի ուղիներով և միջոցներով հասնել ուսուցման ծրագրի գիտակից եւ հաստատուն յուրացմանը: Շարային պատրաստության յուրաքանչյուր պարապմունքի ընթացքում զինդեկը աշակերտների վրա ազդում է **խոսքով, օրինակով, ցուցադրումով եւ գործելակերպով:**

Աշակերտները այդ ընթացքում **ընկալում են, մտածում եւ հիշում** ուսումնական նյութը, ձեռք բերում գործնական հմտություններ:

Ռազմագիտության դասընթացն ավարտելուց հետո աշակերտները հոգեբանորեն պետք է պատրաստ լինեն կյանքի նոր պայմաններին՝ զինվորական ծառայությանը:

Շարային պատրաստությունը աշակերտների դաստիարակության եւ զինվորական ծառայությանը նախապատրաստման ողնաշարն է: Զինվոր դառնալը սկսվում է շարքից:

3.Նախնական զինվորական պատրաստության դասաժամի

առանձնահատկությունները.

- Դպրոցի տնօրենի հրամանով ՆԶՊ պարապմունքների ժամանակ դասարանը վերանվանվում է դասակ և բաժանվում 2-3 ջոկերի
- Տնօրենի հրամանով նշանակվում են դասակների և ջոկերի հրամանատարներ
- Պարապմունքը սկսվում է աշակերտների շարումով, զինդեկին դասակի հրամանատարի զեկուցումով՝ դասակը պատրաստ լինելու վերաբերյալ, և աշակերտների համագգեստի ու արտաքին տեսքի ստուգումով
- ՆԶՊ կաբինետում աշակերտների տեղավորումն ըստ ջոկերի՝ նշելով հրամանատարների տեղերը պարապմունքների ընթացքում թե՛ կաբինետում եւ թե՛ շարքում
- Աշակերտների վարվելաձևեր՝ համաձայն ՀՀ համագորային կանոնադրությունների պահանջների և նյութատեխնիկական բազայով ապահովման կարգը, դասը սկսելու և ավարտելու կարգը:

Այս կազմակերպչական մասն արդեն խոսում է այն մասին, որ նախնական զինվորական պատրաստության **բոլոր պարապմունքները եւ միջոցառումները սկսվում են շարքից:**

Շարային պատրաստությունը անց է կացվում գործնական պարապմունքների մեթոդով և ուսումնասիրված հնարքների (գործողությունների) բազմակի կրկնությամբ: Ընդ որում անհատական ուսուցման հիմքում ընկած է զինդեկի կողմից շարային հնարքների անձնական օրինակելի ցուցադրումը և աշակերտների կողմից դրանց ճշգրիտ կատարումը, որոնք գուգակցվում են մշտապես կրկնվող վարժանքներով: Շարային հնարքների ուսուցումը պետք է անցկացնել հետեւյալ հերթականությամբ՝

1. հնարքի ծանոթացում,
2. հնարքի ուսուցում,
3. վարժանք:

1. Հնարքին ծանոթացնելու համար զինդեկը պարտավոր է՝

ա. անվանել հնարքը կամ գործողությունը, բացատրել՝ որտե՞ղ եւ ի՞նչ նպատակով է այն օգտագործվում,

բ. տալ հրամանը, որով կատարվում է հնարքը (գործողությունը).

գ. խստորեն՝ ըստ շարային կանոնադրության, ցույց տալ՝ ինչպես է կատարվում հնարքը ամբողջովին, ապա դանդաղ կարգով (տեմպով), շատ մասերի՝ կարճ բացատրելով յուրաքանչյուր շարժման կատարման կարգը:

Հնարքին ծանոթացնելու համար պետք է ծախսվի նվազագույն ժամանակ: Շարքային հնարքի բարդության աստիճանից ելնելով, ուսուցումը կարող է անցկացվել՝

ա. ամբողջությամբ, եթե բարդ չէ.

բ. ըստ մասերի, եթե բարդ է.

գ. նախապատրաստական վարժությունների օգնությամբ, եթե հնարքը բարդ է, և նրա առանձին մասերը դժվար են ընկալվում:

Հստակ, ճիշտ և գեղեցիկ ցուցադրված հնարքները եւ գործողությունները մեծ տպավորություն են թողնում սովորողների վրա և ցանկություն առաջացնում կատարել դրանք այնպես, ինչպես ցուցադրված էր:

Բացատրությունը մատչելի է դարձնում ուսուցանվող շարային հնարքի (գործողության) այնպիսի կողմերը, որոնք դժվար են յուրացվում ցուցադրման ժամանակ: Այն կողմնորոշում է սովորողներին, թե ինչ պետք է ցուցադրվի, կամ՝ ինչից է կախված շարային հնարքի (գործողության) կատարման ճշտությունը:

2. Շարային հնարքին (գործողությանը) ծանոթանալուց հետո, որոնց ամբողջական գործողության կատարման հմտության ձևավորման" գործընթաց, ներկայացվում են երեք կապակցված հիմնական փուլեր:

ա. տարրերով և կատարմամբ բարդ հնարքը (գործողությունը) մասնատվում է.

բ. տարրերը հերթականությամբ միավորվում են ըստ խմբերի՝ ապա՝ մեկ ամբողջության,

գ. հնարքի կամ գործողության կատարման մեջ վարժվածության ձեռք բերում:

Պետք է հասնել այն բանին, որ բոլոր հնարքները կատարվեն անսխալ, գեղեցիկ և հստակ:

3. Վարժանքը անցկացվում է հրամանատարի (զինդեկի) հրամանով՝ սկզբից դանդաղ, ապա սովորական կարգով (տեմպով)՝ զույգերով կամ անհատական:

Սովորողների կողմից թույլ տված սխալները պետք է ուղղվեն վարժանքին զուգընթացաբար:

Թեման, պարապմունքի նպատակները եւ ուսումնական հարցերը հայտարարելուց հետո զինդեկը յուրաքանչյուր ջոկին ցույց է տալիս պարապմունքի տեղը եւ դասակի հրամանատարին հրամայում ջոկերը տանել՝ ըստ տեղերի:

Երբ բոլոր ջոկերը տեղերում են, զինդեկը հրամայում է. **«Ուսումնական հարցերի վարժանքներին ԱՆՑՆԵ՛Ն»:** Այս կամ այն ուսումնական հարցի ուսումնասիրմանը հատկացված պլանային ժամանակի լրանալուն պես զինդեկը դասակի հրամանատարին՝ կարգադրում է տալ հրաման՝ **«Ջոկերի հրամանատարներ, անցնել հաջորդ ուսումնական հարցի ուսումնասիրմանը»:** Այդ հրամանը ստանալուց հետո ջոկի հրամանատարը դուրս գալով շարքի կենտրոն՝ կարող է պարապմունքը սկսել նախկինում ուսումնասիրված հնարքների կրկնությամբ, իսկ հետո նոր միայն անցնել նոր հնարքի ուսումնասիրմանը եւ դրա վարժանքներին: Ընդ որում՝ նոր հնարքի ուսումնասիրումը (ուսուցումը) սկսվում է նախ՝ ամբողջությամբ, իսկ հետո՝ դրա բաղկացուցիչ տարրերի դանդաղեցված եւ սովորական արագությամբ ցուցադրումով:

Ջուլգերով վարժանքների անցկացման ժամանակ նրանցից յուրաքանչյուրը հաջորդականորեն հանդես է գալիս հրամանատարի դերում: Ջոկի հրամանատարը վերահսկում է աշակերտների գործողությունները եւ օգնություն ցուցաբերում նրանց ուսուցման ու թույլ տրված սխալների վերացման ուղղությամբ: Զինդեկը եւ դասակի հրամանատարը, անցնելով մի ջոկից մյուսը, վերահսկում են ամբողջ պարապմունքի ընթացքը, ջոկերի հրամանատարներին տալիս ցուցումներ՝ աշակերտների կողմից թույլ տրված սխալների և թերությունների վերացման նպատակով: Պարապմունքի անցկացման ժամանակ զինդեկը և նրա օգնականները պարտավոր են հրամանները տալ բարձր, հրամանատարական ձայնով՝ պարզ և հստակ արտասանելով յուրաքանչյուր բառ: Հրամանները բաժանվում են երկու մասի՝ **նախնական և կատարողական:** Նախնական հրամանը տրվում է հստակորեն, բարձրաձայն, ձգելով, որպեսզի շարքում կանգնածները հասկանան, թե հրամանատարի ինչ գործողություններ է պահանջում իրենցից:

Կատարողական հրամանը տրվում է ոչ մեծ դադարից հետո, բարձրաձայն, հատ-հատ եւ հստակ: Կատարողական հրամանի արձակումը պետք չէ ձգել, քանի որ դա սովորողի մեջ ստեղծում է ավելորդ լարվածություն և հանգեցնում գործողությունների անճշտության:

Տալով հրամաններ՝ զինդեկը և իր օգնականները պարտավոր են զգաստ դիրք ընդունել: Դա աշակերտների մեջ դաստիարակում է կարգապահություն եւ շարքի նկատմամբ հարգանք:

4. ՆԱԽՆԱԿԱՆ ԵՎ ԿԱՏԱՐՈՂԱԿԱՆ ՀՐԱՄԱՆՆԵՐ

«Անցնում ենք պարապմունքի երկրորդ ուսումնական հարցի մշակմանը», ասում է զինդեկը, նշում այդ հարցի անվանումը և բացատրում, որ շարքերը ղեկավարվում են հրամաններով ու կարգադրություններով, որոնք տրվում են ձայնով, ազդանշաններով, անձնական օրինակով կամ փոխանցվում կապի միջոցներով: Հրամանը ձայնով տալու դեպքում այն բաժանում են նախնական հրամանի և կատարողականի: Կարող են լինել նաև միայն կատարողական հրամաններ: Նախնական հրամանով շարքում կամ դրանից դուրս գտնվող զինծառայողներն ընդունում են զգաստ դիրք, իսկ շարժման ընթացքում ոտքը ուժգնորեն դնում են գետնին: Այդ հրամանը տրվում է հստակ, բարձր եւ երկարաձիգ ձայնով, որպեսզի մարդիկ հասկանան տրվող հրամանով գործելու բնույթը: Զինծառայողի կամ ստորաբաժանման ուշադրությունը գրավելու համար, անհրաժեշտության դեպքում նախնական հրամանում նշվում է ստորաբաժանման անվանումը - զինծառայողի կոչումն ու ազգանունը: Օրինակ՝ «Երկրորդ դասակ կանգ ԱՌ», կամ «Շարքային Պողոսյան, կանգ ԱՌ»:

Կատարողական հրամանը տրվում է որոշ դադարից հետո՝ բարձրաձայն, հատ-հատ եւ հստակ: Կատարողական հրամանին հաջորդում է դրա անհապաղ և ճշգրիտ կատարումը: Հրամանը չեղյալ հայտարարելու կամ գործողության դադարեցման համար տրվում է՝ «ԹՈՂՆԵ՛Լ» հրամանը: Այդ հրամանով ընդունվում է այն դիրքը, որը եղել է մինչ այդ:

Բացատրությունից հետո զինդեկը հրաման է տալիս ջոկերի հրամանատարներին՝ ջոկերը տանել նշված տեղերը և անցնել հրամանների կատարման մարզումներին:

Զինդեկը եւ դասակի հրամանատարը ուշադրությամբ հետևում են ջոկերի հրամանատարների և աշակերտների գործողություններին և նրանց կողմից տրվող՝ «Ջոկ, միատողան ՇԱՐՎԻՐ՝», «Ջոկ, երկտողան ՇԱՐՎԻՐ՝», «Ջոկ, ՅՐՎԻՐ՝», «Ջոկ, ՀԱՎՍԱՐ», «Ջոկ, ԱԶ-ԴԱՐՁ» և այլ հրամանների կատարմանը, անհրաժեշտության դեպքում միջամտում և կատարում են ուղղումներ:

5. ԶԻՆՎՈՐԻ ՊԱՐՏԱԿԱՆՈՒԹՅՈՒՆՆԵՐԸ ՇԱՐՔ ԿԱՆԳՆԵԼՈՒՑ

ԱՌԱՋ ԵՎ ՇԱՐՔՈՒՄ

Անցնելով տվյալ ուսումնական հարցին՝ զինդեկը դասակը շարում է երկտողան: Դրա համար նա հրամայում է դասակի հրամանատարին, «Դասակի հրամանատար, շարեք դասակը երկտողան»:

Դասակի հրամանատարը պատասխանելով՝ «ԼՍՈՒՒՄ ԵՄ», կատարում է հրամանը և զեկուցում զինդեկին հրամանի կատարման մասին:

Ներածական պարապմունքի ժամանակ զինդեկը աշակերտներին տնային հանձնարարություն էր տվել ծանոթանալ զինվորի պարտականություններին շարք կանգնելուց առաջ և շարքում: Այժմ նա հարցեր է ուղղում աշակերտներին և ստուգում, թե ինչպես են նրանք յուրացրել: Օրինակ՝ զինվորը շարք կանգնելուց առաջ ի՞նչ է պարտավոր ստուգել, կամ զինվորի պարտականությունները շարքում, ի՞նչ չի թույլատրվում շարքում և այլն:

Քանի որ աշակերտները առաջին դասարանից ծանոթ են՝ ՀԱՎՍԱՐ, ԶԳԱՍՏ, ԱԶԱՏ, ՅՐՎԻՐ հրամաններին, ապա ուսումնասիրվող նյութի գործնական ամրապնդման համար զինդեկը դասակի հրամանատարին հրահանգ է տալիս՝ ջոկերի պարապմունքի նշված վայրերը տանելու և շարք կանգնելուց առաջ ու շարքում զինվորի պարտականությունների գործնական մշակմանը անցնելու վերաբերյալ:

Յուրաքանչյուր ջոկի հրամանատար շարք կանգնելու, շարելու և այլ հրամանների արձակման և դրանց կատարման ստուգման միջոցով հասնում է աշակերտների կողմից ուսումնական հարցի յուրացմանը:

Զինդեկը դասակի հրամանատարի հետ միասին ուշադրությամբ հետևում է ջոկերում պարապմունքի ընթացքին և անհրաժեշտության դեպքում տակտով օգնում ջոկերի հրամանատարներին՝ վերացնելու աշակերտների կողմից թույլ տրված սխալներն ու շնչունները:

Շարային կեցվածք: Անցնելով ուսումնական հարցի ուսուցմանը՝ զինդեկը օրինակելի ցուցադրումով աշակերտներին ծանոթացնում է շարային կեցվածքին և դրա բաղկացուցիչ մասերին: Նա բացատրում է, թե որ դեպքերում են ընդունում շարային կեցվածք, առանձնահատուկ ուշադրություն է դարձնում կարգադրություններ տալիս կամ կարգադրություններ ստանալիս շարային կեցվածքի ընդունման ճշտության վրա: Այնուհետև դասակի հրամանատարի հրահանգով ջոկերի հրամանատարները ջոկերը տանում են իրենց հատկացված տեղերը եւ անցնում շարային կեցվածքի ուսուցմանը: Ջոկի հրամանատարը ջոկը շարում է մեկ տողանով, ինքը կանգնում շարքի կենտրոնում՝ 3-4 քայլ հեռավորության վրա, որպեսզի աշակերտներին դիտելի լինի հրամանատարի ցուցադրումը թե՛ առջևից և թե՛ կողքից: Անձնական ցուցադրումից հետո նա աշակերտներին հնարավորություն է տալիս ինքնուրույն ընդունել շարային կեցվածք, իսկ ինքը ստուգում է յուրաքանչյուր աշակերտի շարային

կեցվածքը, ուղղում թույլ տրված սխալները: Այնուհետև ջոկի հրամանատարը անցնում է շարային կեցվածքի առանձին բաղկացուցիչ մասերի ուսուցմանը: Եթե սովորողների մեծամասնությունը սխալներ է թույլ տալիս, ապա ջոկի հրամանատարը նախապատրաստական վարժությունների օգնությամբ անցնում է հնարքի գործնական ուսուցմանը: Այդ նպատակով սովորողները շարքում կանգնում են շարային հրապարակում նշված ուղղանկյուն գծի վրա՝ դիպչելով գծին կոշիկի ծայրերով:

Ջոկի հրամանատարը ցույց է տալիս առաջին նախապատրաստական վարժությունը՝ ճակատի գծով ոտնաթաթերի քթերի հեռացումը ոտնաթաթի լայնությամբ: Հետևելով ոտքերի թաթերի դիրքին՝ թույլ է տալիս 2-3 բույր կատարել նախապատրաստական վարժությունը ինքնուրույն, ապա անցնում է վարժեցման:

Այս նախապատրաստական վարժությունը կատարվում է հետևյալ հրամանով՝ «Ոտնաթաթերի ծայրերը միացնել, կատարիր՝ մեկ, ոտնաթաթերի ծայրերը բացել, կատարիր՝ երկու. ոտնաթաթերի ծայրերը միացնել, կատարիր՝ մեկ», և այլն: Ընդ որում՝ վարժությունը կատարելիս կոշիկի ծայրերին նայել արգելվում է:

Հրամաններ արձակելիս ջոկի հրամանատարը հետևում է ոտնաթաթերի ծայրերի բացման լայնքին եւ գուգընթաց ուղղում սովորողների կողմից թույլ տրված սխալները: Սկզբում յուրաքանչյուր սովորող վարժությունը կատարում է մի քանի անգամ, որից հետո տրվում է ինքնուրույն վարժման հրամանը: Վարժությունը պետք է կատարել 5-7 անգամ և միայն դրանից հետո ստուգել՝ չե՞ն շեղվել, արդյոք, ոտնաթաթի ծայրերը: Ինքնուրույն վարժման ժամանակ ջոկի եւ դասակի հրամանատարները, ինչպես նաեւ զինդեկը հաջորդաբար ստուգում են յուրաքանչյուր սովորողին և ուղղում սխալները:

Անհատական վարժումից հետո պարապմունքի ղեկավարի թույլտվությամբ դասակի հրամանատարը հրամայում է. «Ջոկերի հրամանատարներ, անցնել գույգերով վարժումներին»: Ջոկերի հրամանատարները բաժանում են ջոկերը գույգերի և հրամայում են՝ անցնել գույգերով վարժությունների, հետևում են և ուղղում թույլ տրված սխալները:

Ապա ջոկի հրամանատարը ցույց է տալիս երկրորդ նախապատրաստական վարժությունը՝ կրծքավանդակի բարձրացում՝ իրանի թեթևակի առաջ մղումով, փորի ներսքաշումով, ուսերի բացումով եւ ազդրերին ձեռքերի հպումով: Այս վարժությունը մշակվում է նախորդի հաջորդականությամբ: Ջոկի հրամանատարը բացատրում է սովորողներին, որ այս վարժությունը սկսելիս պետք է խոր շունչ քաշել եւ այդ դրությամբ պահել կրծքավանդակը,

արտաշնչել և շարունակել շնչել բարձրացված կրծքով: Բարձրացնել կուրծքը, փորը ներս քաշել, իրանը մեկնել քիչ առաջ, սակայն կրունկները գետնից չեն անջատում, իսկ ուսերը բացում են: Ձեռքերն իջեցնում են ազդրերի կողքով այնպես, որ դաստակների ափերը կիսախուփ ծալած մասներով հպվեն ազդրերին: Որպեսզի ստուգվի իրանի առաջ մեկնման ճշտությունը, պետք է բարձրանալ թաթերի ծայրերին, ապա առանց իրանի թեքման անկյունը խախտելու՝ իջնել ամբողջ ներքանի վրա:

Այս նախավարժանքի ուսուցումը կատարվում է հետևյալ հրամանով՝ «Կուրծքը բարձրացնել, փորը ներս քաշել, ուսերը բացել, մարմինը մեկնել առաջ, կատարիր ՍԵԿ. ընդունել սկզբնական կեցվածքը, կատարիր ԵՐԿՈՒ»: Վարժությունը կատարում են այնքան, մինչև յուրաքանչյուր սովորող զանազանի ճիշտ շարային կեցվածքի և մարմնի ազատ դիրքի տարբերությունը:

Նման տարբերությունները ցույց տալու համար պետք է մի տողանը շարել մյուսի դիմաց, ապա հրամայել. «Առաջին տողան, ԱԶԱ՛Տ. երկրորդ տողան, կուրծքը ԲԱՐՁՐԱՑՆԵ՛Լ»: Նույն հրամանը տրվում է առաջին տողանին, իսկ երկրորդին՝ ազատ:

Երկրորդ նախապատրաստական վարժանքի մշակման ընթացքում ջոկի հրամանատարը ցույց է տալիս սովորողներին շարային կեցվածքի ժամանակ գլխի ճիշտ դիրքը: Որպեսզի ստուգենք գլխի ճիշտ դիրքությունը, անհրաժեշտ է ընդունել շարային կեցվածք և, առանց գլուխը իջեցնելու, նայել ներքև՝ առաջ: Ճիշտ դիրքի ժամանակ ամենամոտիկ կետը, որը կտեսնի սովորողը, կլինի իրենից 2-3 քայլ առաջ, իսկ եթե նա տեսնում է 1 քայլ առաջ կամ տեսնում է սեփական կոշիկի ծայրերը, ուրեմն՝ գլխի դիրքը ճիշտ չէ: Ջոկի հրամանատարը սովորողների ուշադրությունը հրավիրում է այն բանին, որ ճիշտ շարային կեցվածքի ժամանակ պետք է կուրծքը միշտ կզակից մի քիչ առաջ պահել:

«Շարվի՛ր», «Հավաս՛ր», «Զգա՛ստ», «Ազա՛տ», «Կարգի բերե՛լ», «Ցրվի՛ր» հրամանների կատարումը Մշակելով նախապատրաստական վարժանքները, դասակի հրամանատարի ցուցումով՝ ջոկի հրամանատարը տալիս է «Շարվի՛ր» հրամանը եւ անցնում շարային կեցվածքի տարր, միաձուլված մշակմանը: Վարժանքը կարելի է անցկացնել նախ զույգերով, ապա՝ ամբողջ ջոկի կազմով:

Զինդեկը դասակի հրամանատարի հետ միասին կարող է հերթով մոտենալ ջոկերին և ուսումնական հարցի մշակման ընթացքում օգնություն ցույց տալ ջոկերի հրամանատարներին:

Դրա համար սովորողներին նա տալիս է հետևյալ հրամանները՝

- Աշակերտ Սարգսյան: - Ես եմ, - պատասխանում է սովորողը:

Քայլ առաջ, քայլով - Մա՛րշ:

- Լսո՛ւմ եմ, - պատասխանում է Սարգսյանը եւ կատարում հրամանը:

Ամբողջ ջոկի համար կարող է տալ. «Ջոկ, երկու քայլ առաջ, քայլով - Մարշ», հրամանը:

Այս հրամանը կատարելուց հետո հրամանատարը սովորողների շարային կեցվածքի ճշտությունն ստուգելու նպատակով կարող է տալ. «Ջոկ, ոտնաթաթերի ծայրերին

- Բարձրացի՛ր»: հրամանը:

Եթե շարային կեցվածքը ճիշտ է կատարվել, ապա ջոկի բոլոր աշակերտները հեշտությամբ, առանց առաջ թեքվելու, կատարում են այս հրամանը: Շարային կեցվածքի ճշտությունը ստուգելու համար կարելի է նաև բարձրացնել կոշիկի քթերը: Դրա համար տրվում է,

«Ջոկ, ոտնաթաթերի ծայրերը բարձրացնել, կատարիր - Մեկ» հրամանը: Նրանք ովքեր ճիշտ են ընդունել շարքային կեցվածքը, հրամանը չեն կարողանա կատարել:

Սովորողների յուրացնելով «Շարվիր» հրամանի կատարումը, անցնում են՝ «Հավաս՛ր», «Զգա՛ստ», «Ազա՛տ», «Կարգի՛ բերել», «Ցրվե՛լ» հրամանների մշակմանը:

Շրջադարձեր տեղում՝

Զինդեկը դասակը շարում է երկտողան շարքով, ապա բացազատում է տողանները՝ մեկը մյուսից 3-4 քայլով: Տողաններից մեկը շրջադարձ է կատարում, իսկ զինդեկը կանգնում է տողանների միջև, թևերից մեկում: Զինդեկը բացատրում է, որ միայնակ սովորողները տեղում շրջադարձերը կատարում են շարային պարապմունքներին, պետին մոտենալիս կամ հեռանալիս, ինչպես նաև շարք վերադառնալիս: Ստորաբաժանումները դրանք կատարում են ինչպես պարապմունքների, այնպես էլ շարումների եւ տեղաշարժերի ժամանակ:

Տեղում շրջադարձերը կատարվում են հետևյալ հրամաններով՝ «Աջ-Դարձ», «Կես պտույտ աջ-Դարձ», «Ձախ-Դարձ», «Կես պտույտ ձախ-Դարձ», «Հետ-Դարձ»: Զինդեկը սովորողներին ցույց է տալիս հրամաններումը միաձուլված: Այնուհետև ցուցադրում է շրջադարձեցված կատարումը եւ բացատրում գործողությունը կատարողական և նախնական հրամաններով: Ավարտելով տեղում շրջադարձերի ուսուցումը՝ զինդեկը ստուգում է այդ հնարքների յուրացումը, որից հետո հրամայում է ջոկի հրամանատարներին անցնել շրջադարձերի վարժումներին՝ ըստ ջոկերի: Տեղում շրջադարձերի ուսուցումը շարունակելու համար ջոկերի հրամանատարները շարում են իրենց ջոկերը միատողան շարքով՝ սովորողների միջև երկու քայլ հեռավորությամբ և շարունակում են վարժումները երկու հաշվարկով՝ «Ըստ բաժանումների աջդարձ, Կատարիր - Մեկ, կատարիր-Երկու», «Ըստ բաժանումների ձախդարձ, Կատարիր - Մեկ, կատարիր - Երկու

հրամաններով: «Մեկ» կամ «Երկու» հաշվարկը սխալ, ոչ ստույգ կատարելու դեպքում տրվում է «Թողնել» հրամանը: Այսինքն՝ ընդունել այն դիրքը, որը եղել է մինչև կատարողական հրամանը: Ջոկի հրամանատարը հետևում է որ, մեկ հաշվին՝ սովորողները աջ կրունկի եւ ձախ ոտնաթաթի վրա աջ ձեռքի կողմը կտրուկ շրջվելով՝ պահպանեն իրանի դիրքը, ինչպես կեցվածքի ժամանակ, և մարմնի ծանրությունը առջևում դրված ոտքի վրա գցելով՝ ծնկները չծալեն: Առջևում դրված ոտնաթաթը ու հետևում դրված ոտքի կրունկը պետք է այնպես բացված լինեն, որ շրջադարձն ավարտելուց հետո ոտնաթաթերը բացված լինեն թաթի լայնությամբ: Ձեռքերի դիրքը պետք է լինի՝ ինչպես շարային կեցվածքի ժամանակ:

Սովորելով ջոկի հետ բաժանումներով աջ շրջադարձը, ջոկի հրամանատարը զինդեկի հրահրամանով, անցնում է շրջադարձի ամբողջական ուսուցումը: Դրա համար նա հրամայում է «Ջոկ, աջ - Դարձ» և ուղեկցում է բարձրաձայն հաշվարկով՝ «Մեկ, Երկու»:

Հնարքի ուսուցումը կարելի է շարունակել հենց սովորողի բարձրաձայն հաշվի ներքո:

Պետք է ուշադիր լինել, որպեսզի շրջադարձերը կատարվեն շարային կեցվածքի բոլոր կանոնների պահպանումով: Ավարտելով աջ շրջադարձի կատարման վարժումները՝ զինդեկի՝ հրահանգով ջոկի հրամանատարն անցնում է՝ «Կես - պտույտ ձախ - Դարձ» հրամանի ուսուցմանը: Մշակումն ընթանում է աջ շրջադարձի կատարման օրինակով: | Ջինդեկի կամ դասակի հրամանատարի հրահանգով ջոկերի հրամանատարներն անցնում են ձախ շրջադարձի մշակմանը: Շրջադարձի կատարման մշակումը անցնում է ճիշտ այնպես, ինչպես աջ շրջադարձի ժամանակ: Շրջադարձերի՝ «Աջ - Դարձ», «Կես պտույտ, աջ - Դարձ», «Կես պտույտ, ձախ - Դարձ» ուսումնասիրումը դասակի կազմում ավարտելուց հետո, պարապմունքի ղեկավարի կամ դասակի հրամանատարի հրահանգով, ջոկի հրամանատարի անցնում է «Հետ-Դարձ» շրջադարձի վարժմանը: Սկզբում դանդաղ տեմպով, ապա արագ՝ «Մեկ, Երկու» հաշվարկով, ցույց է տալիս հետադարձ, շրջադարձի կատարումը:

Տեղում դարձումների ուսուցման ընթացքում անհրաժեշտ է նկատի ունենալ, որ աշակերտները հաճախ թույլ են տալիս հետևյալ սխալները՝ իրանը շրջում են նախնական հրամանի ժամանակ, ծալում են ծնկները, դարձումների ժամանակ թափահարում են ձեռքերը, ներքև են թեքում գլուխը, իրանը հետ են թեքում եւ այլն:

Պարապմունքների ընթացքում հրամաններ տալով, ջոկի հրամանատարն ինքը պարտավոր է ուսանելի ձևով կատարել դրանք եւ դրանով իսկ օրինակ ծառայել աշակերտներին:

6. ՎԵՐՁԱԲԱՆ

Նախնական զինվորական պատրաստության դասի գլխավոր դեմքը զինղեկն է:

Նա է կազմակերպում, վերահսկում, ուղղումներ անում և ընդհանրացնում դասը: Դասի որակը պայմանավորվում է զինղեկի անձով և նրա կողմից իր պարտականություններին ստեղծագործական մոտեցումով, մանկավարժական գործընթացի բոլոր տարրերի| փոխգործակցությամբ, բովանդակությամբ, միջոցներով և ուսուցման ձևերով, դասարանային և տնային աշխատանքների ռացիոնալ կառուցվածքով:

Եթե զինղեկը անձամբ չձգտի կատարելագործել սեփական տեսական եւ մեթոդական պատրաստականությունը, սեփական աշխատանքի և ուրիշի սխալների վերլուծումը, ապա նույնիսկ ամենալավ ձեռնարկները գործին չեն օգնի: Ջինղեկը պետք է ձգտի իր գործի տերը դառնալ:

Ջինվորական շարքը գեղեցիկ և խիստ է: Ծառայության ընթացքում զինվորը ժամանակի մեծ մասն անց է կացնում շարքում: Այս պատճառով դպրոցում ուսուցանվող բանակային կյանքի իրողությունը չպետք է եզրափակվի այս կամ այն վարժաձևի կատարման անհրաժեշտության միայն տեսական դատողություններով: Չպետք է սահմանափակվել վարժաձևերը մի անգամ ճիշտ ցուցադրումով: Հարկավոր է պահանջել դրա կատարումը յուրաքանչյուր պարապմունքին: Առաջին հերթին անհրաժեշտ է ջոկերի եւ դասակների հրամանատարներին նախապատրաստել, որպես օգնականներ՝ պարապմունք անցկացնելու համար: Դա արվում է արտադասարանական ժամերի ընթացքում, որոնք զինղեկը պետք է նախատեսի իր աշխատանքային պլանում: Օգնականների հրահանգավորումը անց է կացվում հետևյալ կարգով.

1. հրամանատարներին շարել միատողան շարքով,
2. ստուգել օգնականների արտաքին տեսքը,
3. հայտնել առաջիկա պարապմունքի թեմայի անվանումը եւ ուսումնական հարցերը, ինչպես նաև ուսումնական և դաստիարակչական նպատակները,
4. շարային վարժաձևը ցույց տալ ամբողջովին, ապա մաս-մաս եւ բացատրել ցույց տվածը,
5. տալ շարային վարժաձևը կատարելու հրամանը,
6. եթե կա անհրաժեշտություն, շարային վարժաձևը մասնատել տարրերի
7. ցույց տալ վարժաձևն, ըստ տարրերի սովորելու մեթոդը,
8. սկսել հրամանատարների վարժանքները,

9. հրամանատարների կողմից շարային վարժաձևի յուրացումից հետո պատմել նրանց առաջիկա պարապմունքի անցկացման կարգը և մեթոդը, ինչպես նաև ուշադրությունը հրավիրել այն բնորոշ սխալների վրա, որոնք շարային վարժաձևը մշակելու ընթացքում կարող են թույլ տալ աշակերտները,

10. պարապմունքի ավարտին զինդեկը հայտնում է իր օգնականներին, թե ինչ և որտեղ կարդան, և ինչ անեն պարապմունքից առաջ:

Պարապմունքի օրը, դասակի հրամանատարի զեկույցը ընդունելուց, ողջույնից եւ արտաքին տեսքը զննելուց հետո, զինդեկը հայտարարում է դասի՝ պարապմունքի թեման, նպատակները և ուսումնական հարցերը, որից հետո ղեկավարը մատնանշում է յուրաքանչյուր ջոկի պարապմունքի վայրը եւ այնուհետև հրամայում է. «Սկսել պարապմունքը»: Ընթացքում զինդեկը պարտավոր է հետևել աշակերտների գործողություններին, և եթե թույլ տրված սխալը ջոկի հրամանատարը չի նկատում, ապա ուղղել դա, իսկ անհրաժեշտության դեպքում ցուցաբերել օգնություն: Պարապմունքի վերջում ղեկավարը նախապատրաստական ցուցումներ է տալիս իր օգնականներին՝ առաջիկա պարապմունքի անցկացման համար:

Շարային պատրաստության տեսությունը սովորողները ուսումնասիրում են ընդհամենը 1 ժամ: Աշակերտների գիտելիքները կարելի է գնահատել հետևյալ հարցերին պատասխան ստանալով.

- Ի՞նչ բան է շարքը:
- Տվե՛ք թևի, ճակատի, տարածության, հեռավորության, ուղղապահի եւ վերջապահի սահմանումները:
- Թվարկե՛ք զինվորի պարտականությունները շարվելուց առաջ:
- Նշե՛ք ջոկի շարքերը:
- Տվե՛ք շարքի լայնության, շարքի խորության, երկտողան շարքի, կարգի, շարասյան, ծավալուն շարքի և երթային շարքի սահմանումները:
- Թվարկե՛ք միատողան կամ երկտողան շարք կանգնելու առանձնահատկությունները:
- Նշե՛ք ջոկի երթային շարքերը:

Գործնական ուսուցման տեսակետից շարային պատրաստության գլխավոր խնդիրն է՝ աշակերտների մեջ սերմանել նախնական, սկզբնական հմտություններ շարային վարժաձևեր կատարելիս: Հետևաբար, վարժաձևեր կատարելիս հատուկ ուշադրություն պետք է դարձնել այն բանին, որ վարժաձևը կատարվի ճշտորեն՝ ըստ կանոնադրության պահանջների, առանց սխալների, իսկ ինքնաբերական կատարման կհասցվի ապագա ծառայության ընթացքում:

Բացառությունը միայն շարային կեցվածքին է վերաբերում, որը ամեն դեպքում պետք է անթերի կատարվի: Աշակերտների շարային պատրաստության մակարդակը ցույց է տալիս, որ աշակերտների հմտությունները միշտ էլ ցածր են զինծառայողների հմտությունների մակարդակից, քանի որ պայմանները և ժամանակը թույլ չեն տալիս կատարելագործվելու: Այդ պատճառով աշակերտի կողմից կատարված յուրաքանչյուր վարժաձև գնահատվում է հետևյալ կերպ.

- «Գերազանց», եթե վարժաձևը կատարվում է շարային կանոնադրության համաձայն, վստահ և առանց լարվելու:

- «Լավ», եթե այն կատարվել է առանց ավելորդ լարվածության, սակայն թույլ է տրվել մեկ սխալ:

- «Վատ», եթե վարժաձևի կատարման ժամանակ թույլ է տրվել երկուսից ավել սխալներ:

- «Շատ վատ», եթե վարժաձևը չի կատարվել:

Աշակերտի շարային պատրաստության մակարդակը ճիշտ գնահատելու համար պետք է ստուգել ինը վարժաձև.

1. Շարքից դուրս գալը, 2. Շարային կեցվածք, 3. Դարձումներ տեղում, 4. Շարային քայլ, 5. Դարձումների շարժման ժամանակ, 6. Զինվորական ողջույնը տեղում և շարժման ժամանակ, "7. Պետին մոտենալը և հեռանալը, 8. Շարք վերադառնալը, 9. Զենքով վարժաձևեր տեղում:

Շարային վարժաձևերի կատարմանը բնորոշ սխալները

Վարժաձև	Սխալներ
ՇԱՐՔԻՑ ԴՈՒՐՍ ԳԱԼԸ	Շարքից դուրս գալը կատարվում է ոչ շարային քայլով: Շարքից դուրս եկողը դեմքով չի շրջվել դեպի շարքը
ԱՐՏԱՔԻՆ ՏԵՍՔ	Հագուստը մաքուր եւ արդուկված չէ: Կան պոկված կոճակներ: Կոշիկները մաքրված չեն, մազերը հարդարված չեն:
ՇԱՐԱՅԻՆ ԿԵՑՎԱԾՔ	Ոտնաթաթերի բացվածքը ճակատի գծով չէ, և լայնությունը թաթի լայնության չափ չէ: Կուրծքը բավական բարձրացրած չէ, փորը հավաքած չէ, ափերը ետ են դարձված, իրանը առաջ չի մղված:
ԴԱՐՁՈՒՄՆԵՐ	Դարձումների ժամանակ ձեռքերը շարժվում են, դարձումը ամբողջ իրանով չի կատարվում: Ետևի ոտքը կարճ ճանապարհով չի մոտեցվում,

ՏԵՂՈՒՄ	դարձումից հետո ոսնաթաթերի բացվածքը շատ լայն է, կամ մի գծի վրա չեն, գլուխը թեքված է, շարային կեցվածքը պահպանված չէ:
ՇԱՐԱՅԻՆ ՔԱՅԼ	Իրանը առաջ տրված չէ, ծնկները ծալվում են, ոտքը գետնից 15սմ քիչ է բարձրանում, չի պահպանվում քայլի տեմպը և չափը, ձեռքերի շարժումը կատարվում է ոչ սահմանված բարձրությամբ, ձեռքերի և ոտքերի շարժումը ներդաշնակ չէ:
ԴԱՐՁՈՒՄՆԵՐ ՇԱՐԺՄԱՆ ԸՆԹԱՑՔՈՒՄ	Ետդարձ կատարելիս աջ ոտքը ձախ չի տարվում, իսկ քայլը շատ լայն է արվում, բացակայում է իրանի կայունությունը, գլուխը կախ է, բացակայում է ոտքերի և ձեռքերի ներդաշնակ շարժումը:
ԶԻՆՎՈՐԱԿԱՆ ՈՂԶՅՈՒՆԸ ՏԵՂՈՒՄ ԵՎ ՇԱՐԺՄԱՆ ԺԱՄԱՆԱԿ	Ողջյունը տրում է ոչ 5-6 քայլ առաջ, ոտքը գետին դնելը և գլխի դարձումը միաժամանակ չի արվել, աջ ձեռքի արմունկը ուսի հետ մի գծի վրա չէ:
ՊԵՏԻՆ ՄՈՏԵՆԱԼ ՈՒ ՀԵՌԱՆԱԼԸ	Մոտենալիս ձեռքը գլխարկին և ոտքը գետնին նույն պահին չեն դրվում, միջնամատը չի դիպչում գլխարկի ներքևի եզրին, հեռանալիս ձեռքը և ոտքերը անջատ են գործում, երթային քայլի շուտ է անցնում:
ՇԱՐՔ ՎԵՐԱԴԱՐՁԸ	Շարք վերադառնալիս աշակերտը սխալ է զբաղեցնում տեղը, ժամանակից շուտ է անցնում երթային քայլի:
ՇԱՐԱՅԻՆ ՎԱՐԺԱԶԵՎԵՐ ԶԵՆՔՈՎ, ՏԵՂՈՒՄ	Վարժաձևերի կատարման ընթացքում գլխի, իրանի ուժգին տատանումներ: Վարժաձևերը կատարելիս ձեռքերի ոչ հստակ աշխատանք:

Եզրակացություն

1.Նպատակայինն աշխատելը և փոքր ձեռքբերումները նշելը կօգնեն մեզ մոտիվացիան պահպանել:

2.Կայուն առաջընթացը կարող է հանգեցնել նոր և ավելի բարդ խնդիրներ դնելու ցանկության:

3.Հաջողությունից օգտվելիս մեր մոտիվացիան կաճի, և մենք կարող ենք ոչ միայն հասնել մեր նպատակներին, այլև գերազանցել դրանք:

4.Փոքր առաջադրանքները կարող են նաև փոքր -ինչ փոխվել, երբ ավարտում ենք հիմնական նպատակին տանող քայլերը:

5.Աշակերտների մտածելակերպում և վարքագծում նկատվող դրական տեղաշարժերը թույլ են տալիս պնդելու, որ դասավանդման ժամանակակից մեթոդներն ու մոտեցումները արդյունավետ կիրառելիս կխթանվի մոտիվացիան:

Ճիշտ պլանավորումը, աշակերտների տարիքային և հոգեբանական առանձնահատկությունների ուսումնասիրումը, դրական օրինակների մատնանշումը, ժամանակի կառավարումը, տեղեկատվական տեխնոլոգիաների նպատակային ներդրումը, ավանդական և ժամանակակից մեթոդների պատճառաբանված կիրառումը կնպաստեն ինչպես մոտիվացիայի բարձրացմանը, այնպես էլ ուսման որակի և առաջադիմության բարելավմանը:

Ակնհայտ է, որ շարային պատրաստության արդյունավետությունը բարձրանում է, եթե տեսական գիտելիքներն ամրապնդվում են գործնական պարապմունքներով:

Շարային գործողություններ գորամիավորումների կազմում, կատարել միաժամանակ՝ խթանում է նպատակասլացությունը, համբերությունը, հաստատակամությունը, տոկունությունը, կոլեկտիվիզմը, հնազանդվելու կարողությունը:

Զարգացնում է ռիթմի զգացումը, կարգապահություն, հստակություն, սառնասրտություն, օրինակելի տեսք, գերազանց մարտունակություն և այլ անհատականության դրական գծեր:

ԳՐԱԿԱՆՈՒԹՅՈՒՆ

1. ՀՀ զինված ուժերի շարային կանոնադրություն
2. Համակարգչային նյութեր
3. [https://aspu.am/.../10 zinvorakan o/o 20 mankavarjutjun.pdf](https://aspu.am/.../10_zinvorakan_o/o_20_mankavarjutjun.pdf)
4. armeco.am/news/2014-09-12-82
5. [www.vsu.am/te\[ek/tarrak_17.pdf](http://www.vsu.am/te[ek/tarrak_17.pdf)
6. Անդրեասյան Հ.Պ. Ռազմահայրենասիրական դաստիարակությունը դպրոցում:
Երևան 1982 թ.
7. Այվազյան Ա. Մ. Հիմնատարրեր ազգային անվտանգության հայեցակարգի, 1-ին մաս:
Երևան 2004 թ
8. Անդրեասյան Հ.ՊՆ ՌՀԴ-ի դաստիարակությունը դպրոցում Երևան 1982թ. 13